



DE
LAPATHO ORIENTALI , FRVTI-
CE HVMILI FLORE PVLCHRO INST.
 R. H. COR.

Auctore

Ioanne Ammano.

Tab. XIII. **I**n tractatu de stirpibus rarioribus in Imperio Rutheno sponte prouenientibus mentionem feci *Lapathum Orientale* , fruticem humilem flore pulchro et Atriplicem Orientalem , fruticem aculeatum flore pulchro Inst. r. h. Coroll. pag. 38. a I. P. Tournefortio recensitas atque ab eodem Auctore in Oriente primum detectas singulares et valde pulchras duas hasce plantas in Kirgisiorum atque Baskirorum Tatarorum regionibus , nec non in variis Sibiriae locis prouenire.

Tournefortius harum plantarum nomina tantum , descriptiones autem et icones nullas cum publico communicauit.

Post Tournefortium Christianus Buxbaumius per Russiae et Persiae ad Caspium mare sitas prouincias Constantinopolim petens , in Media quoque prope urbem *Ienschi* seu *Hanssem* locis glareosis circa fluuios et riuulos posteriorem , Atriplicem nempe , obseruauit , descriptionem vero et iconem exhibuit in Centur. suarum 1^a. pag. 19. Tab. XXX. Melius deinde eandem plantam delineauit et descripsit I. Iacobus Dillenius in Horto Elthamensi pag. 47. Tab. XL. fig. 47.

Prioris ,